

wollen; ziehen/ wollen wir vors erst klärliche darthun vnd anzeigen/ wie solche gebürliche præparation vnd zubereitung/ neben der bequemen Administration der Arzeneey (dauon wir reden vnd handeln werden) dem menschlichen Geschlecht hoch vonnöthen sey. Zum andern/ wollen wir fürklich anrüren vñ zuverstehen geben/ was für ein præparation oder zubereitung vnd Form der Arzeneey der Alten gewesen / vnd noch heut zu tag in den mehren Apotecten in Teutschland vnd andern Nationen gehalten wird: Da wir dann als mit einem Finger zeigen wollen/ was darinn sträfflich sey/ vnd was für ein Mangel darinn zu dieser vnser Zeit möge angeklaget werden. Zum dritten/ wollen wir gar klar vnd deutlich / ja ganz methodicè vnd ordentlich einen richtigen Weg weisen/ welchen/ so ein gutherkziger Leser mit vns getrost wandern wird/ tragen wir gar keinen Zwenffel/ er werde in ein furken / der wahren præparation vnd administration der Arzeneeyen/ gute Erfahrung vnd Wissenschaftt oberkommen.

Vnd diß seyn die drey Stück/ darinn wir vnser Ermahnung fürklich verfassen wollen/ mit begehrt/ ein jeder gutherkziger Leser woll alles mit fleiß erwegen vnd betrachten/ vnd alsdann dauon vrtheilen vñ richten/ auch vnsern angewandten Fleiß zum besten auslegen: Gott gebe seine Gnade.

Anfänglich / so viel den ersten Punct anbelange / ist zuwissen/ daß vnder allen functionibus vnd Wirkungen/ so durch die Natur im Gesbew des menschlichen Leibs geschehen/ die fürnemste sey Nutritio oder die Fütterung des Leibs/ denn dieselbige ist in stetiger vbung / so lang der Leib lebt/ daß die natürliche Hiß vnd die natürlichen Geister in arbeit seyn / die ingenommene Speise vñ Trancck zuverwandlen/ in mancherley Gestalt/ ehe vnd zuvor die in gleiche theile des Leibs verändert werde: Als zum Exempel/ daß auß Brod Fleisch werde / Wein werde / Nerven oder Arterien oder Blutadern werden/ daß der Trancck in Fleisch/ in Haut/ in Knochen/ ic. verändert werd: Daß Speise vnd Trancck das Herz / die Leber/ die Milcz/ die Blasen/ den Magen/ ic. vermehre vnd grösser mache / ic. Derowegen vielerley Concoctionum foci, das ist / Feuerstett oder Herte der verdawung hinzukommen/ welche wir doch achten daß ihrer nicht mehr als drey seyn; Deren denn ein jede ihre præparation vnd auch